

[Leipzig], 15. Oktober 1556

Von Joachim Camerarius d. Ä.

BSB, Clm 10370, Nr. 262 (Konzept).
Druck: Camerarius, *Epistolae* S. 459f.

S. D. Nisi mihi esset perspectus candor erga me tuus, et notum iudicium de me, suspicari poteram vel derideri me, à quo ignaro peterentur ea quibus vestra scientia abundat, vel insidias mihi fieri, vt repreahenderetur temeritas mea, si auderem in hoc genere aliquam mihi sumere pronunciandi autoritatem. Nam ne quasi superstitione quaedam mea exagitetur, à vobis metuendum non est. Sed, quoniam et te scripsisse ista ἐκ τῆς ψυχῆς, et de me honorificam esse sententiam vestram mihi persuadeo, et sum sanè leuiculus ad ea quae placent amicis, facileqüe me moueri impelliqüe patior, ista quoque in parte obsequi studebo voluntati tuae. quid enim faciam? cùm tu iam recusationis vias omnes paecluseris. Sed narrabo tibi quid aliquando acciderit. Cùm nescio quid remedij cuidam ex notis et familiaribus meis demonstrasse, hortatus tamen ne vteretur inconsulto medico, venit medicus: remedij hic descriptionem exhibit, et meum nomen vt autoris indicat. Ridet medicus, et non ille quidem improbat remedium, sed extenuans tamen ex aliquo autore Graeco illud me transtulisse ait. Atque in hac gratificatione quoque erunt scilicet ea quae commemorabuntur Graecorum ὑποθήκαι, vel ipsa potiūs etiam ξυγγραφὴ Graeca. hoc enim scilicet magis bellum καὶ πρὸς τοὺς φιλοσκώπτας χαριέστερον futurum est. Etsi quoniam tibi haec mittentur, ab illis periculi nihil erit. Vbi enim acceperis nostra, et vertes de ijs quae voles, et trades cui voles. Sed nostra opera cùm impensa fuerit, tamen de ea fortasse scribentur plura. Mittam autem τὸ θέμα, ad eum quem mitti iubetis primo quoque tempore, à quo expectabitis ἐκ τρίποδος δῆτα χρησμούς. Vale. Id[ibus] VIIIbris. An[no] 1556.